

جَزَائِرِ حَاكِمَتِ

جمعه ایرتسی

نومرو	شوال	سنه	مارت	سنه	محیفه
۸۶۶	۷	۱۳۱۳	۹	۱۳۱۲	۱۲۱۷۳

(اشبو غزته بهر هفته جمعه ایرتسی کونلری چیقار . سنه لکی درسعات ایچون مجیدیه یکریمی غروش)
 (حسابیله التمش غروشدر . طشره لر ایچون اون بش غروش پوسته اجرتی ضم اولنور . بهر)
 (نسخه سی ینه مجیدیه یکریمی غروش اولوق اوزره یوزپاره یه هر یرده صاتیلور . درج اولنه جق)
 (اعلاناتک هر برندن بر مجیدیه اخذ اولنور . سنه لکنه مشتری اولوق استیانلر عدلیه نظارتی)
 (دأره سنده کائن جریده محاکم اداره سنه مراجعت ایملیدر)

قسم غیر رسمی

اشقودره ولایتی استیناف محکمه سندن
 ۲۲ حزران سنه ۳۱۰ تاریخی و بر عددی
 ایله ویریلان اعلامک مابعدی

ظرفنده شهادتنامه ابراز ایده مدیکی جهته
 مذکور اسپرتونک رومانیا مالی اولوق اوزره
 تعرفه موجبنجه رسم کمرکی بولنان ایرا یوز وسیم
 مجیدی اون سکز یچق غروش حسابیله اون

سکز بیک - سکز یوز کسور غروشک
 تاجر مرقوم قوزمه دن تحصیلی دراج رسومات
 اداره سی و کبلی طرفندن طلب ودعوی و اثبات
 مدعا ضمننده تاجر مرقوم جانبیدن اولجه اداره یه
 ویریلوب مألاری ترسته دن کتورتشمش اولدینی
 اسپرتونک قننی محل مالی اولدینی ناطق دوات
 علیه شهبندر لکی طرفندن مصدق اولان شهادتنا.
 مه نلک التمش بر کون ظرفنده ابرازینه مجبور
 وعکسی وتقديرده رومانیا مالی عدیله تعرفه
 موجبنجه رسم ویرمکی متعهد بولندینی مشعر
 چند قطعه سند ابراز ایتسی اوزرینه مدعی علیه

ناجر مرقوم وکیل میرز سنداتک موکلی طرفندن
ویرلدیکی اقرار ایلدیش واستحصال ایلدوب
محکمه یه اعطا ایلدیکی شهادتنامه لر مندرجاتی ایسه
یدی فوجی اسپرتونک اوستریا و مجارستان مالی
اولوب قونطورول اتنده بولمیدینی کبی رومانیای
مالی دخی اولمیدینی مصدق ترسته باش کمرک
مأموری قوزمه امضاسنی حاوی وزیرنده بالاده
موضوع امضا مأمور مومی الیهک یالکز امضاسنی
اولدینی تصدیق قلندی دیو دولت علیه شهیندر
خانه سی مهرینی محتوی بولمیش اولغله اجر اقلان
محا که وتدقیقاند مذکور شهیندر لکدن شهادت
دنامه ده کی تصدیقندن مقصدینک لزوم استعلامنه
دائر بدایه ویریلان قرار قرینه علیهنده اقامه
اولنان استیناف دعواسنک انشای محاکمه سنده
اعلام ابتدائینک فسخیله اکل محاکمه ضمننده
مستأنف علیهم عدم اجابتنه بناء وکیل مسخر
حضور یله غیاباً جریان ایدن محاکمه وتدقیقات
نتیجه سنده میرز شهادتنامه لرده محرر تصدیق
شرحی یالکز امضاسنک تصدیق متضمن اولوب
شهادتنامه لر مندرجاتنک تصدیق غیر شامل
اولمسيله معتبر کور یله مامسینه مبنی مبلغ مدعا به
اولان اون سکزی بیک کسور غروشک لیرای
عثمائی یوز و یاخود مجیدی اون سکزی بچق غروش

فیأتیله مع فائض و مصارف محاکمه مرقوم قوزمه دن
تحصیلنه حکمدن و مستدعی تمیز قوزمه وکیل
واسیلا کی دسیری اقدینک اشو حکم علیهنده کی
اعتراضاتنک خلاصه سی دعوی واقعه معاملات
تجاریه دن تولد ایلدوب محاکم نظامیه ده رؤیتی ذیل
قانون تجارتنک اونوز بشنچی ماده سنک فقره
اخیره سی حکمنه مخالف اولدینی حالده بوراسینه
دقت اولغامسی و بو مقوله دعاویده متعهدک صفت
ودعوانک ماهیتنه نظراً تعیین مرجع ایدلمسی
محکمه تمیزک متعدد قراری و مؤخر ۱۷ ربیع
الآخر سنه ۹۴ تاریخی تذکره علیه اقتضاسندن
بولمیدینی حالده محکمه استینافیه جه بورا لرینک
تأمل ایدلماسی و میرز شهادتنامه لرک صورت
تصدیق حاصل ایلدیکی تردد ناشی ترسته
شهیندر لکندن استعلامنه دائر لاحق اولان قرار
اعدادینک عندالاستیناف قرار قرینه عد ایدلمسی
ودراج کمرکنه اعطا ایلدوب استیناف محکمه
سنجه مدار حکم اتخاذ ایدیلان چند قطعه علم
و خبر لرک موکلی طرفندن ویریلوب ویرلدیکی
وزیرنده کی امضا و کلنک اولوب اولمیدینی بدایتک
مفسوخ اعلامنده مندرج اقراره استناد اولغسی
و میرز علم و خبر لرک تاریخی یله کمرک اداره سنه
قنئی زمانده ویرلدیکنک تحقیق ایدلماسی مغایر

قانون اولدینندن بختله اعلامک نقضی استدعاسندن
و مدعی علیه امانت مشار الیه وکیل عزتلو نظام
الدین بکک بوکا قارشو نتیجه جوابی دخی
اعتراضات مسروده نک واهی و اساس اولدینی
بیانیله ردی و موافق اصول و قانون اولان اعلام
مذکورک تصدیق طلبندن و معاون مومی الیهک
مطالعہ سی دخی دعوی واقعه رسم کمرکه متدائر
اوله رق معاملات تجاریه دن بولمیدینی و بدایه
ویریلان قرار نتیجه حکمی احساس ایتدیردیکی
و حکم ویرلمک درجه سنه کلندیکی جهتله اولباید کی
اعتراض وارد کورلماش ایسه ده لاجل الا
حتجاج ابراز اولنان شهادتنامه مصدق اولدیننه
نظراً اولباید تردد و قومی تقدیرنده تحقیق
کیفیتله تبیین ایدمک حاله کوره حکم ویرلمک
لازم کلور ایکن مذکور شهادتنامه لرک بلا تحقیق
عدم کفایتنه حکم ایدلمش اولمسینه مبنی بوجهت
حقننده کی اعتراضاتک موافق قانون اولدینی
بیانندن عبارت بولمیشدر.

ایجابی مذاکره اولندقد اعلام مذکور
مندرجاتندن منضم اولدینی اوزره منازع فیه یدی
فوجی اسپرتو حقه ده استحصال ایدلمش اولان
شهادتنامه لرک صورت تصدیق حاصل ایلدیکی

تردد ناشی ترسته شهیندر لکندن استعلامنه دائر
بدایه ویریلان قرارک عندالاستیناف فسخیله
بر موجب سند تمهد مبلغ مدعا بهک تحصیلنه حکم
اولمیش ایسه ده اصول محاکمه حقوقیه قانوننک
اللی بشنچی ماده سنده صراحة محرر اولدینی
اوزره درجه اولی محکمه سنجه سالف البیان
اتخاذ قلنان قرار قرار قرینه دن معدود اولوب
محکمه جه انشای محاکمه ده اتخاذ اولمیش برتدیردن
عبارت اولمسینه و بو مقوله مقرر اتک قابل استیناف
اولوب شو حالده استینافاً تدقیقنه مساع قانونی
یوغبکن استیناف محکمه سنجه بوراسنک نظر اعتباره
النقسنین قرار قرینه اولدینی ذهابیله بوجه
محرر حکم ویرلمسی بولسز مقایر قانون اولدیننه
و مستدعی تمیز قوزمه وکیل جانبندن سرداولنان
اعتراض بوجهت متدائر اوله رق موافق نفس
الامر کورندیکنه بناء اصول محاکمه حقوقیه
قانوننک ایکوز اونوز ایکنجی ماده سی موجب سنجه
اعلام مذکورک نقضیله قانون مذکورک ایکوز
فرق دردنچی ماده سی حکمنه توفیقاً کیفیتک بر منوال
محرر بالرؤیه اعلامه ربطی ضمننده محکمه
مذکوریه اعاده سنه وزیرده مفرداتی مرقم در تیوز
یکرمی درت بچق غروش مصارف تمیزینک
ایلروده حقسنر حقیقه جق طرفه رجوع ایتک

اوزره اول امرده مستدعی تمیز قوزمه‌دن
الشمسه ۶ مایس سنه ۳۱۱ تاریخنده متفقاً قرار
ویریلرک طرفین وکیللرینه تفهیم قلندی .

کره‌بنه بدایت محکمه سندن ۱۸ تشرین ثانی
سنه ۳۰۷ تاریخی والی بر عددی ایله ویریلان
اعلامک تمیزی بک اوغلنده مجارده کوچک
دیوارچی زقاغنده بش نومرولی خانه‌ده موقه
ساکنه کره‌بنه قضااسنک استراج قریه‌لی یورکینا
نیقو قادین ایله مدعی علیه کره‌بنه قضااسنک
ایس چفتلکی مختار سابق یورکی نیقو بوم معینه
دائره‌یه کلدکری کی جواب لایحه‌سی دخی
کوندرلماش اولدیفندن اصول محاکمه حقوقیه
قانوننک ایکوز یکریمی طقوزنجی ماده‌سی
موجبجه تدقیقات تمیزیه اجراسنه ابتدار
اولندی .

اعلام مذکورک خلاصه مالی مرقوم
یورکی نیقونک اوچیوز بش سنه‌سی طریق
عملیاتندن طولایی مزبوره یورکینا قادین ذمتنده
الاجنی اولان اوچیوز یکریمی غروشک تحصیاتی
طلب ودعوی وعندالحا که مدعی علیها مزبوره

یورکینا قادین دخی کندوسی القی سنه دنبرو
استراج قریه‌سند بولنوب بالجله تکلیفات میریه‌سی
اورایه اعطا ایده کلکده اولدینی کی طاشه
نسادن بولندینی جهته طریق اچسندن معاف
طوتیلر جفنی مدافعه انبا و برقطه علم و خبر ابراز
واعطا ایتسی اوزرینه جریان ایدن محاکمات
وتدقیقات نتیجه‌سند مدعی علیها مزبوره یورکینا
قادین دخت نفوسله ایس چفتلککده اولدینی
حاله طریق اچسیمی طرح ایدلکی نفوس
اداره‌سندن مبعوث تذکره جوابیده بیلدیرلش
اولدیفندن اصول محاکمه حقوقیه قانوننک الی
بشنجی ماده‌سی موجبجه مدعیه اولان اوچیوز
یکرمی غروشک مزبوره یورکینا قادین تحصیله
وبر ادعای اولدینی تقدیرده استراج قریه‌سی
هیئت اختیاریه‌سنه مراجعتله استیفای حق ایتکه
مختاره بولندیفنه حکمدن ومستدعی تمیز یورکینا
قادینک اشبو حکم علیهنده لایحه‌سند محرر
اعتراضاتنک خلاصه‌سی کندوسی موقه ایس
چفتلککده برماه قدر اقامت ایتش ايسده اساساً
مکلف اولدینی تکالیف امیریه‌سی کندوقریه‌سند
تماماً تأدییه ایتش اولدینی واستراج قریه‌سی نفوس
جدیده‌سند مقید بولندینی محکمه‌یه ابراز واعطا
ایتش اولدینی علم و خبر مالیله ثابت ایکن محکمه‌جه

بوراسنک نظر اعتباره التمسین اصول محاکمه
الی بشنجی ماده‌سنه یا کلش معنا ویریلرک محکوم
ایدلسی یولسز ومغایر قانون اولدیفندن بخله
اعلامک نقضی استدعاسندن عبارت بولمشدر .

ایجابی مذاکره اولندقدعه اعلام مذکور
مطالعه سندن منقهم اولدینی اوزره مزبوره
یورکینک طریق عملیاتندن طولایی مزبوره
یورکینا قادین ذمتنده اوچیوز یکریمی غروش
الاجنی اولدینی عندالحا که اکلاشلمش اولدیفندن
اصول محاکمه حقوقیه قانوننک الی بشنجی
ماده‌سی موجبجه مبلغ مذکورک مزبوره‌دن
تحصیله حکم اولمش ايسده ماده مبعوث عنها
بردعویه متعلق دوائر رسمیه‌ده موجود اوراق
ویا قیودک اخذینه دائر اولوب ذات دعویه
اصلاً تعلق اولدینی حالده‌ماده مذکوره‌یه یا کلش
معنی ویرلسی وطریق رسومند طولایی مزبوره
نک زوجنک مسئول ایدلسی لازم کلور ایکن
بوراسنه دقت اولنماسی ومذکور طریق رسومنک
نه اساس وقاعده اوزره توزیع اولنوب مختار
مرقومک مبلغ مدعیه استحقاقی نه ایله ثابت
اولدینک تصریح وایضاح ایدلماش یولسز
وقانونه مغایر بولندیفنه ومستدعی مزبوره یورکینا

قادینک دخی اعتراضی موافق نفس الامر بولندیفنه
بناءً اصول محاکمه حقوقیه قانوننک ایکو اوتوز
ایکنجی وایکیوز قرق برنجی ماده‌لری موجبجه
اعلام مذکورک نقضیه قانون مزبورک ایکوز قرق
در دنجی ماده‌سی حکمنه توفیقاً کیفیتک یکیدن
بالرؤیه اعلامه ربطی ضمننده محکمه مذکوره‌یه
اعاده سنه وزیرده مفرداتی مرقم در تیوز طقوز
یحق غروش مصارف تمیزیه‌نک ایلروده حقسن
چیقجق طرفه رجوع ایتک اوزره اول امرده
مستدعی مزبوره‌دن الشمسه ۱۸ تموز سنه ۳۰۸
تاریخنده متفقاً قرار ویرلدی .

بغداد استیناق محکمه‌سندن ۲۵ مایس
سنه ۳۰۹ تاریخی و سکر عددی ایله ویریلان
اعلامک تمیزی استدعا ایتش اولان التنجی اردوی
هایون مفتشی دولتونصرت پاشا حضرتلری یوم
معینه دائره‌یه بروکیل کوندرمیوب مدعی علیه
بغدادک شیخ قپوسی محله‌سند ساکن فضیلتلو
سید عبدالرحمن افندی وکیلی الیاس رسام افند
ینک ورود ایتش اولمسيله ایضاحات شفاهی‌سیله باش
مدعی عمومی معاونلرندن یورغاک افندی‌نک

مطالعه سی استماع قلندقدن صکره تدقیقات تمیزیه
اجراسنه ابتدار قلندی .

اعلام مذکورک خلاصه مالی مشار الیه
نصرت پاشا حضرت تالیله مومی الیه عبدالرحمن افندی
بیننده تکیون ایتیش اولان اراضی دعواسندن
طولای بغداد بدایت محکمه سندن علیهنده صادر
اولان اعلام حکمنه عدم قناعتله مومی الیه سید
عبدالرحمن افندی جابندن اقامه اولنان استیناف
دعواسنک اثنای محاکمه سنده مشار الیه نصرت پاشا
حضرت تری محکمه اعضاسندن فواد و حقیقل افند
یلرک شخصی مومی الیه مناسبتری اولدیفندن
واسباب سائرهن دن بمثلله مومی الیه مانی با استدعا
رد ایتیش ایسه ده اولباده کوستریلان اسباب
مومی الیه مانک ردینی موجب اولدیغه منی ذکر
اولنان استدعانک ردینه جکمدن و مستدعی
مشار الیه اشبو حکم علیهنده لایحه سنده محرر
باشلوجه اعتراضی اعضای محکمه دن ایکیمی رد
ایدلش اولسی جهته جزا دائره سندن ایکی اعضا
جلیلله انلرک حضورنده محکمه اجرا و حکم
اعطاسی لازم کلور ایکن محکمه مذکورجه
بودائره ده اجرای معامله اولغیه رق قرار
مذکورک حد قانونیسندن نقصان هیئت حاکمه

ایله صادر اولسی مغایر قانون اولدیفندن بمثلله
اعلامک نقضی استدعاسندن و مدعی علیه وکیلک
نتیجه جوابی پاشای مشار الیهک رد اعضا حقنده
درمیان ایلدیکی اسباب و هیئت محکمه نک نقصانی
بولنده سرد ایتدیکی اعتراضات غیر وارد اولدینی
بیانیه اعلامک تصدیق طلبندن و معاون مومی الیهک
مطالعه سی دخی محکمه استینافییه اعضاسندن
ایکیمی رد و اعضا طریقه هیئت محکمه خارجنده
قالدقلری تقدیرده هیئت حاکمه نک نقصان اوله جنی
درکار بولمسنه بناء اعتراضات مذکورک موافق
قانون اولدینی بیانندن عبارت بولمشدن .

ایجابی مذاکره اولدقدن مندرجات اعلامدن
مستفاد اولدینی اوزره پاشای مشار الیه طرفندن
ویرلش اولان رد اعضا عرضحالی بالتدقیق رد
ایدلش اولوب انجق محاکم استینافییه تشکیل
ایدن هیئت قانونیه بررئیس ایله درت اعضادن
عبارت اوله رق بونک ایکیمی پاشای مشار الیه
طرفندن باعرضحال رد ایدلسی اوزرینه هیئت
محکمه خارجنده قالدقلری جهته ذکر اولنان
استدعانک تدقیق ایچون هیئت استینافییه نک
نقصان اولسی ملابس سیه استیناف جزا
اعضاسندن ایکی ذاتک جلیلله هیئت محکمه نک
نظامی دائره سنده تشکیلندن صکره رؤیت دعوی

اولغی لازم کلور ایکن محکمه مذکورجه بوراسنه
دقت اولغیه رق حد قانونیسندن دون بررئیس ایکی
اعضا ایله حکم اعطا قلمسی مغایر قانون اولوب
مستدعی مشار الیهک اعتراضیه معاون مومی
الیهک مطالعه سی موافق نفس الامر کورلدیکنه
بناء اصول محاکمه حقوقیه قانوننک ایکوز اوتوز
ایکینجی ماده سی موجبجه اعلام مذکورک تقضیه

کیفیتک اصولی دائره سنده رؤیت ایدلک اوزره
محکمه مذکوریه اعاده سسنه وزیرده مفراقی
مرقم درتیوز یکرمی درت بیچ غروش مصارف
محا که نک ایلروده حقسز حقیقه جق طرفه رجوع
ایتمک اوزره اول امرده مستدعی مشار الیه دن
اخذینه ۲۳ تموز سنه ۳۱۰ تاریخنده متفقاً
قرار ویریلرک تفهیم قلندی .

اعلام مذکورک خلاصه مالی مزبوره
اورانیه نک دده اغاجک قول اوغلی موقعنده
باشند متصرف اولوب اون دونمى بالا فراز درت
بیك غروش بدل مقابله مرقومان نیقوله
ودیمویه فروخت ایتدیکی اون بش دونمک برقطعه
ترلادن عهده سسنده قالان بش دونم مرقومان
نیقوله و دیمونک واقع اولان مداخله لرینک منی
حقنده اقامه ایلدیکی دعوایه مزبوره نک برادری
تمستوقلینک باعرضحال داخل اولسی اوزرینه
محل منازع فیهک کشفی بالاجرا مدعی علیهما
مرقومانک مزبوره اورانیه ایله مشترکی برادری
تمستوقلینک سکنز دونم یارم اولک ترلاسنه مداخله
ایتدکلری اکلا شلمش و کشف واقمک بولنده
و محکمه نک قرار واقعه موافق بولنش اولسی
جهتیه یکیدن اجرای کشفه و منازع فیه اراضینک
مساحه سنه لزوم اولدینی بولنده ویریلان قراری
مدعی علیهما لاجل الاستیناف اعلام شککنده
الدقلری خالده مدت استینافییه نک مرور ایتدیکی

دده اغاج بدایت محکمه سندن ۴ کانون اول
سنه ۳۰۹ تاریخی و قرق بدی عددی ایله ویریلان
اعلامک تمیزینی استدعا ایدن دده اغاج قصبه سنک
بلغار محله سنده مقیم زراعدن دباغ اوغلاری
نیقوله و دیمو ایله مدعی علیهما قصبه مذکور
داخلنده مکرری ناحیه سنک واریش محله سنده
ساکن تجاردن دیمستوقلی قیوریدی و قزقرنداشی

بیانیه دوام محاکمه لری مزبور و اورانیه ایل
برادری طرفدن طلب واستدعا قلمسی ومدعی
علیهما وکیلی طرفدن اعلام مذکور علیهنده کی
تمیز مدتک مرور ایتدیکندن بمحله محاکمه
طوروشمقدن امتناع ایدلسی اوزرینه وکیل
مسخر تعینیه سبق ایدن محاکمات وتدقیقات
غیایه نتیجه سنده مدعی علیهماک برمنوال محرر
سکز دوم یارم اولک محله تجاوز لری اقرار لری
وکشف راپوری وسندات مبرزه محتویاتیه ثابت
اولش و منازع فیه ترلانک آدیم اعتباریه تفرغ
ایلدکارندن بمحله ظهور ایدن فضله نک عند
الکشف ارشون معماری ایله مساحه ایدلسندن
متولد اولدینی حقنده مرقومان نیقوله و دیمو
طرفلرندن درمیان اولنان ادعا اراضی مساحه
سنجه مرعی اولان اصول وقاعده یه و ابراز
ایلدکاری سندات مندرجانه مخالف بولنش
اولدیفنه بناء اعتراض وقوعنده ایجابنه باقلمق
اوزره مدعی علیهما مرقومانک محل منازع فیه
وقوعبولان تجاوزلرینک منعیله انشا ایتدکاری
جیتک هدمنه حکمدن ومستدعیلرک اشبو حکم
علیهنده لایحه لرنده محرر اعتراضاتک باشلوجه سی
کندولری منازع فیه ترلانی عتیق دوم اعتباریه
تفرغ ایتدکاری حاله بدایه کشف اجراننده

اول امرده مدعی علیهما طرفندن مدت
تمیز حقنده درمیان اولنان اعتراضک استدعا
دائره سی قرار ی علیهنده اولسبله ردی قرار گیر
اولدقدنصرکه اساس ماده نک ایجابی مذاکره
اولدقدن اعلام مذکور مندرجاسندن منقهم
اولدینی اوزره بدایه منازع فیه ترلانک حین
کشفنده بلدی ارشونیه مساحه اولدینی کشف
راپورنده محرر اولوب حاله وکه دونمک اراضی
قانوننامه سنک بوزاوتوز برنجی ماده سی موجب
اعتبار اوله رق اوپولده سالف الذکر ترلانک
مساحه اولنسی لازم کلور ایکن خلاف قانون

اوله رق بلدی دائره سنک ارشونیه بنای حکم
اولنسی قانونه مغایر ومستدعیلرک اعتراضی
بوجهته متدائر اوله رق موافق نفس الامر اولد
یفنه بناء اصول محاکمه حقوقیه قانوننک ایکوز
اوتوز ایکنجی ماده سی موجبجه اعلام مذکورک
نقضنه وایکوز قرق درنجی ماده سی حکمنه
توفیقاً کیفیتک یکیدن بالرؤیه اعلامه ربطی ضمننده
محکمه مذکوره یه اعاده سنه وزیرده مفرداتی محرر
بشیوزیکرمی سکز بچق غروش مصارف تمیزیه نک
ایلروده حقسنز چیه حق طرفه رجوع ایتک اوزره
اول امرده مستدعیلردن التمسنه ۵ تشرین ثانی
سنه ۳۱۱ تاریخنده متفقاً قرار ویرلدی .

محکمه استیناف حقوق قسمندن ۲۰ کانون اول
سنه ۳۱۰ تاریخی و یوز یتش اوج عددی ایل
صادر اولان اعلامک تمیزی استدعا ایدن بک
اوغلنده تقسیم زقاغنده بش نومرولی خاوده
ساکن اصحاب املا کدن کرقور چراجیان افندی
یوم معینده دائره یه کمدیکندن مدعی علیه قاضی
قریه سنده موده جاده سنده یتش ایکی نومرولی
خانه ده مقیم دلال اصنافدن فرنکیان خپار سوم
اغانک وکیلی سعادتلو رفیق بک افندیکنک ایضاحات

شفاهی سی استماع قلندقدنصرکه تدقیقات تمیزیه
اجراسنه ابتدار اولدیدی .
اعلام مذکورک خلاصه مالی مرقوم
خپار سوم اغا مزبور کرقور افندیکنک قاضی قریه
سند سکوولی چشمه ده متصرف اولدینی برقطعه
باغ محلی طریق کشادیه محله شکنه وضع ایدرک
طریق حملندن ماعدا تقریباً طقسوز بیک زراع
حملندن پارچه پارچه بیک بشیوز لیرالق محل
صانیه رق اوست طرفی بینلرنده تقسیم ایتک
اوزره مومی الیه ایله عقد مقوله ایتش ویدیوز
لیرالق محلی فروخت ایلش اولدینی حاله
سکز یوز لیرالق محکک فروخته مزبور کرقور
افندیکنک نمانعت ایلدیکی بیانیه بوباید کی حق
شرکتک تحت حکمه التمسنی ومذکور باغک محله
صورتیه وضع ابدنییه قدر اونبر بیک التیوز غروش
صرفاتی اولدیفندن تحصیلنی طلب ودعوی ایتسنه
قارشو مدعی علیه کرقور افندی وکیلی دخی
مصارف مذکوره دن یالکیز الی بیک یدیوز
غروشی بالقبول اوست طرفی انکار ایدوب
مدعی مرقوم ایسه فضله ادعاسنی اثباتدن اظهار
عجز ایتسبله اشبو الی بیک کسور غروشدن
فضله سی حقنده مدعی علیهک اجرای تخلیفنه

قرار و بر مملکت برابر مذکور عرصه به فرش
اولان قالدیرملرک مصارف انشائیه سیله مرقوم
خیار سوم اغانک اولیاده کی اجر مثلنک تعیین
و تقدیری ضمنده جانب محکمه دن تعیین قلنان
نائب معرفیه محکمه کشفی بالاجرا استماع قلنان
ارباب و قوف اوزرینه اخیراً تعیین قلنان کونده
مدعی علیه کر قور افندیکنک عدم اجابته مبنی
وکیل مسخر حضور یله عن الغیاب جریان ایدن
محاکمه و تدقیقات نتیجه سنده مدعی خیار سوم
اغانک الی بحقی ماه ظرفنده اجر مثلی اولدینی
دلال اصنافی لونیجه او طه سی معرفیه تقدیر
ایدیش اولان درتیوز عثمانلی لیراسیله سالف -
الذکر قالدیرملرک اعمالیه سی بدلی اولدینی شهر
امانت جلیله سی هندسه خانه سی معرفیه اجرا
ایدیلان کشف موجبجه تبیین ایدن اون بدی
بیک سکز یوز التمش و عرصه نك فراغ وانتقال
مصارف یله مصارف سائرده دن جمعاً مع فائض بالغ
اولدینی بشیوز بدی عثمانلی لیراسیله اوتوز درت
بیک ایک یوز الی درت غروش اوتوز یاره نك
کر قور افندیکنک تحصیلیه مدعی خیار سوم اغایه
اعطاسنه دائر محکمه مرقومه دن صادر اولان
اعلام غیبی علیه مرقوم کر قور افندی
طرفندن محکمه استیناف حقوق قسمنه مراجعتله

بالتحصیل مرقوم خیار سوم اغایه اعطاسنه وفائض
حقننده مقدماً بر اخطار رسمی وقوع بولمیدیندن
مرقوم خیار سوم اغانک فائض طلبیه متدائر
بولنان ادعاسنک ردینه حکمدن و مستدعی کر قور
افندیکنک لایحه سنده محرر اعتراضنک باخلوجه سی
مرقوم خیار سوم اغا مقاوله نامه ده کی تعهداتی
ایفا ایدیه مدیکی جهتله ذاتاً صرفیات ادعاسنده
بولنه میه جفی کی کندوسی بدایه اجرت مطالبه -
سنده اولمدینی بیان ایتسیله مطالبه مذکورده دن
ذمتی بری ایتش اولدینی مشللو عمله ودلال
و جوابان و سائرده دن عبارت بولنان و اثری ظاهر
اولیان مستخدمین عادیه اربابنک اجورانی یومیه -
لری اعتبار یله تعیین و تقدیر اولنشق امور
ضروریه دن بولنسدینی حالده اولیاده کی اجر
مثلنک عملی اعتبار یله تعیین قلمسی و محل منازع
فیهک اساساً قالدیرمی بولنسدینی کی فروخت
اولنان جهتی دخی یالکیز بشیوز لیرالقدن عبارت
بولنسدینی جهتله بولنره دائر بر کونه عملی دخی
مقبوق اولمدینی و بلکه مذکور باغانک امر
انتقالنده کوریلان خدمتدن طولانی استحقاقی
اوله بیله جکی بدیهی بولنسدینی حالده اوچ نوع
خدمتندن دخی اجر مثل تقدیر قلمسی و بدایه
ارباب و قوف معرفیه محل منازع فیهک کشفی

ناطق اولان اعلام بر اراقی استینافاً تصدیق
ایدیش ایکن اخیراً عند الاستیناف محل مذکور
حقننده استماع شهوده قرار ویرلسیله بر ماده
حقننده یکدیگره مبین قرار اعطا ایدلسی
و مشهود بیک بالطبع وجودی مفقود بولنسدینی
جهتله بویاده استماع شهودک بطلافی درکار
و تعیین قلنه حق ارباب و قوفک طرفندن انتخابی
لزومی امر اشکار ایکن بورالره دخی دقت
اولنامسی مغایر قانون اولدینندن بحکله اعلامک
تقاضی و مدعی علیه خیار سوم اغا وکیلی رفیق بک
افندیکنک نتیجه جوابی دخی موکیله خصمی
بیننده کی شرکتک لنفساخنه مبنی موکلنک اجر
مثل طلبیه صلاحیتی اولدینی و بو کی اجر نك
یومیه حسابیله اولیوب دلال نظامنامه سی
موجبجه تعیینی بدیهی اولغله برابر منازع فیه
محاکمه محله شکله و ضعی جمله مقاوله دن اولوب
اشبو مقاوله و جهله اوچ نوع خدمتی مسبوق
بولنسدینی عند الکشف اکلا شلدینی کی شهود
استماع قلمسندن طولانی بر کونه مبیانت اولمد -
ینی و استماع ایدیلان شهودک ارباب و قوفندن
اولوب اقامه سی دخی موکلنه عائد ایدوکی جهتلر
ایله اعلام مذکورک بورالره متفرع جهات
حکمی سنک تصدیق و مبلغ مدعایه تاریخ استدعا -

دن اعتباراً فائز یوریدلسی و مذ کور عرصه نك
جاده قالدیرملرینك دخی موكلی طرفندن انشا
ایدلیدی عند الكشف تحقق ایلدیکی حالد
مذ کور قالدیرملر بدلك اعلامده مسكوت عنه
براقلمسی مغایر قانون اولدیغندن بوراسنه
متعلق فقره حكیمیه سنك نقضی استدعاسندن عبارت
بولمشدر .

ایجابی لدی المذا کره تمیزی طلب اولنان
اعلام مذ کور مآلندن اكلاشلیدی اوزره مرقوم
خپار سوم اغانك مومی الیه کر قور افندی ذمتده
مذ کور عرصه نك محله شیکلنه وضعیله فراغ
اولمسنندن طولایی اجر مثل و فراغ وانتقال
وقالدیرملرک مصارفاتی اوله رق مطلوبی اولدینی
اوچوز اون لیرا واون بر بیک درتیوز طقسان
الهی غروشك افندی مومی الیهدن تحصیلیه
مرقوم خپار سوم اغایه اعطاسنه حکم اولمش
ایسهده انحق بومثللو اجر مثل ادعاسنك تدقیق
وحکمی اجیرك نه قدر مدت خدمت ایتدیکنك
تعین ایتسنه واجر نك یومیه اعتباریله تقدیر
و تعین ایتدیرلمسنه متوقف اولدینی کی اجیرك
شخصنه و عملنه کوره یومیه نه مقدار اجرته
مستحق اولدیغنك اهل وقوف طرفندن اخبار

ایدلسی لازم کله جکینه و مدت عملده اختلاف
اولندی حالد اولوقت مدتك تعیینی ایچون
شهود استماعی مقتضای قانونیه دن بولمسنه نظراً
بودائرة قانونیه ده اجرای معامله اولتماسی بولمیز
و مغایر اصول وقانون بولمش و مستدعی کر قور
افدینك لایحه سنده محرر عتراضاتك باشلو جهسی
بوجهته متدائر اوله رق شایان قبول کورلمش
اولدیغندن اصول محاکمه حقوقیه قانونك ایکوز
اوتوز ایکنجی ماده سی موجبجه اعلام مذ کورک
نقضیله قانون مذ کورک ایکوز قرق دردنجی
ماده سی حکمنه توفیقاً کیفیتك صور محرره دائره
سنده رؤیت اولمق اوزره قسم مذ کوره
اعاده سنه وزیرده مفرداتی مرقم ایکوز یکرمی
اوج یحق غروش مصارف تمیزیله نك ایلروده
حقسز چیقہ حق طرفه رجوع ایتك اوزره اول
امرده مستدعی کر قور افندیدن اخذ واستیفاسنه
۸ مایس سنه ۳۱۱ تاریخنده متفقاً قرار ویریله رک
تفهیم قلندی .

معموره العزیز استیناف محکمه سنندن ۲۰ نیسان
سنه ۳۱۰ تاریخنی و بر عددی الیه صادر اولان
اعلامك تمیزی استدعا ایدن معموره العزیز


قصیه سنك ایجابیه محله سنده مقیم سلیمان افندی الیه
ملاطیه نك شیخ ولی اوغلی خاننده ساکن یوسف
و محمد و عارف اغار یوم معینده دائره کلدکارندن
اصول محاکمه حقوقیه قانونك ایکوز یکرمی
طقوزنجی ماده سی موجبجه تدقیقات تمیزیله
اجراسنه ابتذار اولندی .

اعلام مذ کورک خلاصه مالی مومی الیه
سلیمان افندی الیه مرقومون یوسف ورفقاسی
بینلرنده متحدث کتان شرکتی دعواسنه دائر
اعاده محاکمه اوزرینه ملاطیه بدایت محکمه سنندن
ویریلوب اولجه مرجع استیناف اولمق جهتیله
دیار بکر استیناف محکمه سنندن تصدیق اولنان
اعلام علیهنده اقامه اولنان تمیز دعوی اوزرینه
ذات دعوانك قابل استیناف اولدینی حالد اعاده
محاکمه اعلامك فسخیله حکم ابتدائیک استینافاً
تدقیقی و قابل استیناف اولدینی صورتده استیناف
استدعاسنك ردی لازم کلور ایکن بوجهتک
نظر دقه التماسی اسبابنه بناء اعلام مذ کور
تمیزاً نقض واعاده اولمسی اوزرینه مومی الیه
سلیمان افندی طرفندن مجدداً ویریلان استدعایه
مبنی محکمه مذ کوره جه بتکرار طرفینك جلیلیله
اجرا قلنان محاکمه و تدقیقات نتیجه سنده اساس


ادعا اون بیک غروشی متجاوز اولمسندن طولایی
حکم ابتدائی قابل استیناف اولدینی حالد درجه
اولی محکمه سنجه دعوی واقعه نك اعاده تدقیق
مخالف قانون اولمسنه مبنی ذکر اولنان اعاده
محاکمه اعلامك فسخته مومی الیه سلیمان افندی
حکم ابتدائی علیهنده و قبیله استیناف استدعای
اعطا ایتیه رک مدت استینافیه نك مرورندنصکره
استیناف دعواسنه قیام ایلدیکی بالتصدیق اکلاد
شلمسی ملابس سیله افندی مومی الیه طرفندن
ویرلمش اولان سالف البیان استیناف عرفحانك
ردینه حکمدن و مستدعی تمیزك اشبو اعلام
علیهنده لایحه سنده محرر باشلو جه اعتراضی محکمه
تمیزدن نقض اولنان بر اعلام اوزرینه یکیدن
محاکمه اجراسیچون قانوناً معین بر مدت اولمدینی
حالد محکمه مذ کوره جه بوراسنه دقت اولمیه رق
استیناف استدعاسنك ردینه قرار ویرلمسی مغایر
قانون اولدیغندن بمثلله اعلامك نقضی استدعاسندن
و مدعی علیه نك لایحه جوابیه لری مالی دخی
اعتراض واقع واهی ایدوکی بیانیله ردی و موافق
قانون اولان اعلامك تصدیق طلبندن عبارت
بولمشدر .

ایجابی مذا کره اولندقدده مندرجات اعلامدن

مستفاد اولدینی اوزره دعوی واقعه معصومه.
العزيز محكمه سنجه استينافاً تدقيق اولنه رق اعاده
محاکمه طريقه ویریلان اعلامك فسخته قرار
اعطاسيله اکتفا ایدلک و سلیمان افندی طرفندن
اعلام اول ابتدائی حقنیده بشقه جه استیناف
استدعاسی اعطا اولنور ایسه اولوقت مرور مدت
حقنیده اجرای تدقیق و معامله ایدلک لازمکلور
ایکن بر موجب قرار تمیز دوام محاکمه طلبی
حای سلیمان افندی طرفندن ویریلان عرضحال
استیناف استدعاسی مقامنده تلقی ایله مدت استیناف
فیه نك مرورندناسی سلیمان افندی طرفندن
ویریلان مذکور استدعانك ردینه قرار ویرلسی
مخالف قانون اولدیغنه بناءً اصول محاکمه
حقوقیه قانونك ایکوز قرق برنجی ماده سی
موجبجه اعلام مذکورك تقضیه قانون مزبورك
ایکوز قرق دردنجی ماده سی حکمنه توفیقاً
کیفیتك یکیدن بالرؤیه اعلامه ربطی ضمننده محکمه
مذکوره یه اعاده سنه وزیرده مفرداتی مرقم
بشیوز اون الی بقی غروش مصارف محاکمه نك
ایلروده حقسنز حقیقه جق طرفه رجوع ایتك
اوزره اول امرده مستدعی تمیز سلیمان افندی دن
استیفا سنه ۲۹ مارت سنه ۳۱۱ تاریخده اکثریت
آرا ایله قرار ویرلدی.



ماهی متجاوز بلاعذر تعقیب اولندیغك ثبوتنه
مبنی اصول محاکمه حقوقیه قانونك یوز طقسان
دردنجی ماده سی موجبجه مستأنفلك دعوی
استینافیه لرینك سقوطنه حکمدن و مستدعی تمیز
عوادیس منقویان ایله عنوق قادینك اشبو حکم
علیهنده کی اعتراضاتك باشلوجه سی محکمه استیناف
فیه یه سقوط دعوی طلبی متضمن استدعا تقدیم
ایدن انومور تاهی افندیك مستأنف علیهك
ورنهی و یاخود وکیل اولدیغنه دائر اعلامده
برکونه صراحت اولیوب مع مافیه کندولرینك
یوم محاکمه ده حاضر بولنه ماملری اوصرده
قولرا خسته انی مثللو اعداز صحیه دن ایلروکلدیکی
محقق اولدینی حالده بوراسنك نظر دقنه التماسی
و خصملری ایلپانك وفات ایتسنه کوره ورته نك
سقوط دعوی طلبیه حقلری اوله میسوب وکیل
مسخر تمینیله محاکمه یه دوام اولتماسی ومدعی
عمومی دعوانك موقتاً سقوطنی طلب ایتدیکی
حالده محکمه جه مطلق صورتده سقوط دعوا یه
قرار ویرلسی و مغایر قانون اولدیغندن بمثله
اعلامك تقضی ومدعی علیهما وکیل یانقوافندیك
نتیجه جوابی اعتراضات واقعه نك واهی و بی
اساس اولدینی بیانیه ردی و موافق اصول وقانون
اولان اعلام مذکورك تصدیق استدعاسندن
عبارت بولنشد.



ایجابی مذاکره اولندوقده اعلام مذکور
مندرجاتندن منقهم اولدیغنه کوره محکمه استیناف
فیه جه مستأنف علیه ایلپا ورته سنك استدعاسی
اوزرینه مستأنفلك سقوط دعوالرینه قرار
ویرلش ایسده اصول محاکمه حقوقیه قانونك
الی اوچنجی ماده سی موجبجه ورته مرقومه
وکیل یانقوانومور تاهی افندیك اول امرده
موکلری مستأنف علیهلرک مورثلری ایلپانك وفاتی
محکمه یه و محکمه دخی مستأنفا مرقومانه تبلیغ
ایتمکة مجبور اولوب بوصورتله وقوعوفات کیفیتی
خبر ویرلمکسزین ورته طرفندن سقوط دعوی
طلبیه حق اوله میه جفی درکار ایکن عندالاستیناف
بوجهتک نظر دقنه التماسی قانونه مغایر اولدیغنه
بناءً قانون مذکورك ایکوز قرق برنجی ماده سی
موجبجه اعلام مذکورك تقضیه و ایکوز قرق
دردنجی ماده سی حکمنه توفیقاً کیفیتك بوجه
محرر اعلامه ربطی ضمننده قسم مذکوره اعاده
سنه وزیرده مفرداتی محرر بشیوز یکرمی اوچ
غروش مصارف تمیزیه نك ایلروده حقسنز حقیقه
جق طرفه رجوع ایتك اوزره اول امرده
مستدعیلر دن الخمسنه ۲ مایس سنه ۳۱۱ تاریخده
اکثریت آرا ایله قرار ویرلرک تفهیم قلندی.

اعلان

بك. اوغلنده نشان طاشنده كركور نارليان
امضاسيله ۳۴ شباط سنه ۱۱۴۱ تاريخنده بك اوغلي
بدايت محكمه سنه ويريلاان عر ضالده سابق ديون
عموميه قوميسري اولوب فرار ايدن ومحل اقامتي
مجهول بولنان مراد نام كمنه ذمتنده اشيا بدلندن
اله جنى اولان يوز اون سكر عثمانلى ليراسنك
مع فائض ومصارف محاكمه واجرت وكالت
اجراى موقبله تحصيلي استدعا اولمش وفي الحقيقه
مديون مرقومك حال فرارده اولدينى اكلا شلمش
ومدى حكم قانونك اجراسنى طلب ايلمش
اولديندن اصول محاكمه حقوقيه قانون موقتك
يكرمى التنبى ماده سنه توفيقاً دعوای مذكوره.
نك رؤيتى اوچيوز اون ايكي سنه سى مارتك
اوتوزنجى كونه قرارلشديرلش اولغله يوم
منزبورده مرقوم محكمه به كليديكى وبر مصدق
وكيل كوندرمديكى تقديرده حقنده معامله
غيايبه نك اجرا اولنه جنى اعلان اولنور .

فى ۹ مارت سنه ۳۱۲

اولان ديون محكوم سنك تسويه سيچون مديون
مرقومك متصرف اولدينى ايوب سلطانده دفتر.
دار قره سليمان چلبى محله سنده تحت مناره جاده سنده
يدى نومرو ايله مرقم ايكي قيو و يوز يكرمى
عدد اشجار شمري حاوى على التخمين التى بيك
زراع عتيق مقدارى بوستانده يوز يكرمى سهم
اعتباريله اون سهم وينه محل مذكوره على
باشاى جديد محله سنده قورى قواق جاده سنده
قرق ايكي نومرو ايله مرقم اوچ قيو و اوچيوز
الى عدد اشجار شمري حاوى على التخمين
اون ايكي بيك زراع عتيق مقدارى بوستانده
يدى سهم اعتباريله برتام وبر سهمك ثمن حصه.
ليرينك فروختى محلله تحت قراره النمش
اولد يفتندن بر موجب قرار حصص مذكوره
تاريخ اعلانندن اعتباراً اون بش كون صكره موقع
مزايده و وضع اولنه جفتندن اشتراسنه طالب اولنلرك
ودها زياده معلومات المقي ايستيانلرك در سعادت
محكمه تجارت اجرا دائره سنه مراجعت ايلملى
اعلان اولنور .

۱۲ مارت سنه ۳۱۲

(مطبعة عامره ده طبع اولمشدر)

هاجى نوم ولد هاجى ميشونك مناستر
تجارت محكمه سى اعلاميله بقله جى اوغلى انسطاشه